

# **REGULAMENTO DO REXISTRO MUNICIPAL DE UNIÓNS DE FEITO**

## **Artigo 1º- OBXECTO E RÉXIME XURÍDICO.**

Constitúese no Concello de Vilalba o Rexistro Municipal de Unións de Feito que terá carácter administrativo e se rexerá polo que se dispón no presente regulamento, incluídos os seus anexos e demais disposicións que se poidan ditar para o seu desenvolvemento.

## **Artigo 2º- ÁMBITO**

No rexistro municipal de unións de feito poderán inscribirse todas aquelas parellas, que polo seu libre e pleno consentimento constitúan unha unión de convivencia non matrimonial, pero con análoga relación de afectividade, con independencia da súa orientación sexual, manifesten a súa vontade de inscribirla no rexistro e os membros da cal teñan a súa residencia habitual e figuren empadroados no Concello de Vilalba, se ben, no momento da inscrición é suficiente con que un deles figure empadreado no Concello de Vilalba e, unha vez inscritos no Rexistro de Unións de Feito, quedarán obrigados a inscribirse, ambos os dous membros, no Padrón Municipal de Habitantes.

## **Artigo 3º- REQUISITOS DAS INSCRICIÓNS.**

3.1 Serán requisitos para levar a cabo a inscrición:

- a) Ser maior de idade ou menor emancipado e non ter sido declarado incapacitado por resolución xudicial.
- b) Non estar ligado por vínculo matrimonial subsistente.
- c) Non estar inscrito como membro doutra unión non matrimonial non cancelada.
- d) Ter a súa residencia habitual e figurar empadreado no Concello de Vilalba ou, en todo caso, reunir este requisito un deles, inicialmente, tal e como se expresa no artigo 2.
- e) Non ter relación de parentesco por consanguinidade ou adopción en liña recta.
- f) Non ter parentesco colateral por consanguinidade ou adopción ata o terceiro grao.

g) Non figurar inscrito en ningún outro Rexistro Municipal de Parellas de Feito.

3.2 A inscrición realizarase previa sinatura da correspondente solicitude, segundo o modelo do anexo I deste regulamento, por ambos os dous membros da unión mediante comparecencia persoal e conxunta diante do funcionario encargado do rexistro, e na que se efectuará a correspondente declaración responsable dos seguintes extremos:

- a) Existencia da unión de convivencia non matrimonial con indicación do domicilio de empadramento desta.
- b) Inexistencia de vinculo matrimonial.
- c) Inexistencia de inscrición no que conste como membro doutra unión non matrimonial non cancelada.
- d) Inexistencia de declaración de incapacitación por resolución xudicial.
- e) Inexistencia de relación de parentesco por consanguinidade ou adopción en liña recta.
- f) Inexistencia de relación de parentesco colateral por consanguinidade ou adopción de ata o terceiro grao.
- g) Non figurar inscrito en ningún outro Rexistro Municipal de Parellas de Feito.

3.3 Á solicitude de inscrición achegase a documentación acreditativa de ter cumprido os seguintes requisitos:

- a) Maioría de idade ou acreditación de emancipación, segundo o establecido no artigo 314 e seguintes do código Civil.
- b) No seu caso, declaración xudicial de divorcio ou nulidade.
- c) No seu caso, documentación xustificativa de viuvez.
- d) Xustificante de empadroadamento dos membros da unión non matrimonial (incorporarase de oficio).

3.4 Unicamente se poderá efectuar a instancia dun só dos membros da unión a inscrición da existencia desta por vontade unilateral, previa audiencia do outro membro e segundo o disposto no artigo 6.2.b do presente regulamento.

#### **Artigo 4º- DECLARACIÓN E ACTOS INSCRIBIBLES.**

Serán obxecto de inscrición:

- a) A declaración de constitución das unións de feito (realizada segundo o modelo de anexo I) e a extinción delas cando concorra algunha das causas do artigo 6.

- b) Os contratos civís reguladores das relacións persoais e patrimoniais así como outros feitos e circunstancias relevantes que afecten á unión extramatrimonial.

**Artigo 5º- EFECTOS.**

A inscrición no Rexistro de Parellas de Feito terá efectos meramente declarativos sobre a constitución, e extinción das unións de feito, así como dos contratos reguladores das relacións persoais e patrimoniais.

**Artigo 6º- DA CONSTITUCIÓN E EXTINCIÓN.**

6.1 Para os efectos establecidos no presente regulamento, a data de constitución será a da súa manifestación e inscrición.

6.2 Serán causas xustificadas da extinción das unións e cancelación da inscrición as seguintes:

- a) Mutuo acordo.
- b) Vontade unilateral dun dos membros da parella con notificación fehaciente ó outro.
- c) A morte ou declaración de falecemento dalgún dos seus membros.
- d) Separación de feito de máis dun ano.
- e) Matrimonio dalgún dos membros.

**Artigo 7º- LIBRO REXISTRO.**

O rexistro materialízase nun libro rexistro municipal de unións non matrimoniais que estará formado por follas numeradas e seladas, legalizado coa sinatura do secretario municipal, incluíndose nos asentos os seguintes extremos:

- a) Datos identificativos dos membros integrantes da unión.
- b) Domicilio da convivencia.
- c) Data de constitución da convivencia.
- d) A transcripción en extracto dos contratos civís reguladores das relacións persoais e patrimoniais das parellas de feito.
- e) Calquera modificación posterior dos datos inscritos.
- f) Data e causas da extinción
- g) Outros feitos ou circunstancias relevantes que afecten á unión non matrimonial.

### **Artigo 8º- PUBLICIDADE.**

O libro rexistro municipal de parellas de feito non ten carácter público. Coa finalidade de garantir a intimidade persoal e familiar dos/as inscritos/as como membros de parellas de feito a publicidade do rexistro quedará limitada, exclusivamente a expedir certificacións dos rexistros que serán expedidas a instancia de calquera dos membros da unión ou dos xuíces ou tribunais de xustiza.

### **Artigo 9º- ÓRGANO COMPETENTE.**

O alcalde-presidente será o órgano competente para resolver sobre calquera tipo de inscrición que se pretenda efectuar no rexistro así como para a regulación do acceso, rectificación e cancelación dos datos cando proceda.

As resolucións que se ditén relativas ás inscrición, modificación ou extinción, así como as de inscrición de actos complementarios, adoptaranse no prazo máximo dun mes, unha vez transcorrido o cal sen que se ditase entenderase desestimado por silencio administrativo.

### **Artigo 10º.**

No eido competencial deste concello, todas as unións non matrimoniais de convivencia inscritas no Rexistro Municipal de Unións de Feito, terán a mesma consideración administrativa que as unións matrimoniais, sen obstáculo doutras formas de proba.

Así mesmo, e para os efectos administrativos, e dentro do eido competencial deste concello, recoñecerase a antigüidade das unións de feito inscritas noutros rexistros municipais circunstancia que deberán acreditar.

### **DISPOSICIÓN DERRADEIRA.**

Unha vez aprobado definitivamente polo concello pleno o presente regulamento entrará en vigor ó día seguinte da publicación do seu texto completo no *Boletín Oficial da Provincia* e unha vez transcorrido o prazo previsto no artigo 65.2 da *Lei 7/1985, do 2 de abril, reguladora das bases de réxime local*.

**ANEXO I**

**SOLICITUDE DE INSCRICIÓNS DE UNIÓNS DE FEITO**

Don/dona.....  
....., con DNI nº  
.....don/dona.....  
....., con DNI  
nº.....maiores de idade, veciños  
de,.....con domicilio en  
.....

**EXPOÑEN:**

Que desexan realizar a inscrición no Rexistro de Unións de Feito do Concello de Vilalba, e para iso

**DECLARAN:**

- 1º Existe unha unión de convivencia non matrimonial que están empadroados nos domicilios seguintes.....
- 2º Non existe vínculo matrimonial.
- 3º Non existe ningunha inscrición no que conste como membro doutra unión non matrimonial non cancelada.
- 4º Non existe declaración de incapacitación por resolución xudicial.
- 5º Non existe relación de parentesco por consanguinidade ou adopción en liña recta.
- 6º Non figurar inscrito/a noutro Rexistro Municipal de Unións de Feito.
- 7º Non existe relación de parentesco colateral por consanguinidade ou adopción ata o terceiro grao.

Por todo o exposto

**SOLICITAN:**

A inscrición no Rexistro Municipal de Unións de Feito.

Vilalba,.....de.....200 .

**ANEXO II**

**SOLICITUDE DE BAIXA NA INSCRICIÓN DE UNIÓN DE FEITO**

(Esta solicitude poderá ser subscripta por un ou polos dous membros da parella).

Don/dona....., con DNI nº.....e  
don/dona....., con  
DNI nº.....maiores de idade, veciños  
de,.....con domicilio  
en.....

**EXPOÑEN:**

Que están inscritos no Rexistro de Unións de Feito do Concello de Vilalba, e

**SOLICITAN:**

Que despois dos trámites regulamentarios se proceda á inscrición de baixa da unión de feito no dito rexistro.

Vilalba,.....de.....200 .

SR. ALCALDE - PRESIDENTE DO CONCELLO DE VILALBA.

E para que así conste, expido a presente certificación para os efectos oportunos, co visto e praxe do Sr. alcalde e coa salvedade do art. 206 do ROF, en Vilalba, a 11/5/2005.